

M182B: Wessobrunner (Ahd.) Predigtsammlung B

- H22a,20 daz evangelium
H22a,21 zelet uns . daz unser hêrre
H22a,22 Jesus Christus zuo den heiligen
H22a,23 boten ime erwelete sibenzic .
H22a,24 unde zwêne jungeren .
H22a,25 der er ie zwêne . unde
- H22b,1 zwêne vûre sante mit sînere
H22b,2 predige in iegelîche burc
H22b,3 unde stat . dare er selbe komen
H22b,4 wolte . die zwêne jungeren
H22b,5 die er sante in dere
H22b,6 predige . die bezeichnenent
H22b,7 die zwei gebot dere
H22b,8 minne . die niemer ervûllet
H22b,9 ne magen werden . newære
H22b,10 iedoch ze minneste under
H22b,11 zwein . in ime selbeme
H22b,12 ne mac si nieman ervûllen .
H22b,13 sunder er schol si ervûllen
H22b,14 an eineme andereme . der
H22b,15 die minne wider sînen
H22b,16 nâhesten nieht ne hât . der
H22b,17 schol niemer daz ambahte gewinn[en]
H22b,18 der predige . daz er die zwêne
H22b,19 jungeren sô vûre sante in
H22b,20 alle die stete . dare er selbe
H22b,21 komen wolte . daz bezeichnenet
H22b,22 swenne unseriu muot ime
H22b,23 geliuteret werdent mit
H22b,24 dere heiligen predige . unde
H22b,25 mit deme brunnen dere
- H23a,1 zahere . dare nâch kumet er
H23a,2 unde besitzet siu mit sîneme
H23a,3 liehte . dô er siu dô hine
H23a,4 sante . dô sprach er . daz der
H23a,5 arn michel wære . unde

H23a,6 dere snitære lützel wære .
H23a,7 nû sprichet sanctus Gregorius . “bitet
H23a,8 den almehtigen got
H23a,9 daz er sende die wercmanne
H23a,10 in sînen arn . diu werlt
H23a,11 ist vol dere . die dâr habent
H23a,12 den pfafflichen namen . dâ
H23a,13 ist aber under vile unmanic
H23a,14 wercman . der sîn
H23a,15 ambahte sô ervülle . sô iz
H23a,16 gote lîche . oder ime selbeme
H23a,17 nütze sî . oder dere
H23a,18 decheinigeme . deme er iz
H23a,19 spenden schol .” daz geschihet
H23a,20 ofte . daz der predigære
H23a,21 erstummet . eteswenne
H23a,22 durch sîn selbes unreht . daz
H23a,23 er dei nicht wûrken ne
H23a,24 wile . dei er dâ prediget .
H23a,25 eteswenne sô geschihet iz

H23b,1 durch des liutes unreht . daz si
H23b,2 es nicht wert ne sint ze vernemenne .
H23b,3 daz ist unsemfte ze
H23b,4 verstênne . vone wes schulden
H23b,5 iz sî . taret iz eteswenne deme
H23b,6 hirte . iz taret abe ieundeie deme
H23b,7 quartere . wande ne mac der
H23b,8 predigære nicht sprechen . er
H23b,9 kan iedoch daz reht wûrken .
H23b,10 unde doch iz der liut welle
H23b,11 wûrken . er ne kan . iz ne
H23b,12 werde ime gekündet . vone
H23b,13 diu sô sprach unser hêrre ze
H23b,14 sînen jungeren . dô er siu . ze
H23b,15 dere predige sante . er sprach .
H23b,16 “ich sende iuwich alsô dei schâf .
H23b,17 under die wolfe .” er gap
H23b,18 in den gewalt predigennes .
H23b,19 unde hiez siu haben die mitewære
H23b,20 des lambes . sô . daz si
H23b,21 ire grimme nicht ne uobten
H23b,22 in die ire undertânen . sô sumelîchere
H23b,23 site ist . sô si gewalt
H23b,24 gewinnen . daz si denne den
H23b,25 tarent . den si vrûmen scholten .

H24b,11 daz evangelium zelet uns . daz

H24b,12 daz himelrîche gelîch sî deme
H24b,13 hûshêrren . der des morgenes
H24b,14 vruo in sînen wîngarten
H24b,15 samenete dei wercliute .
H24b,16 wer wirdet rehtere gegebenmâzet
H24b,17 deme hûshêrren .
H24b,18 denne unser hêrre
H24b,19 der heilige Krist . der
H24b,20 dâr rihtet alle die er geschuof .
H24b,21 alsô der hûshêrre
H24b,22 rihtet die ime undertânen
H24b,23 der hûshêrre ladete
H24b,24 allen den tac die wercliute

H25a,1 in sînen wîngarten .
H25a,2 sumelîche vruo .
H25a,3 sumelîche ze mitteme
H25a,4 morgene . sumelîche ze
H25a,5 mitteme tage . sumelîche
H25a,6 ze nône . sumelîche ane
H25a,7 deme âbende . oder in
H25a,8 swelicheme zîte si ime
H25a,9 zuo kômen . alsô ne gestilte
H25a,10 unser hêrre der almehtige
H25a,11 got vone aneenge
H25a,12 dere werlte . unze
H25a,13 ane den ende die predigære
H25a,14 ze sendenne ze
H25a,15 dere lêre sînere erweletene .
H25a,16 der wîngarte
H25a,17 bezeichnenet die gotes . ê .
H25a,18 in der dâr gesetzet unde
H25a,19 gerihtet werdent alliu
H25a,20 reht . alsô diu wînrebe
H25a,21 gerihtet wirdet in deme
H25a,22 schüzzelinge . dei werc
H25a,23 dei man dâr inne wûrken
H25a,24 schol . daz ist diu

H25b,1 mitewære . diu kiusche .
H25b,2 diu gedult . diu güete .
H25b,3 diu ensticheit . unde andere
H25b,4 tugende . desen gelîche . nû
H25b,5 sehen mit welicheme vlîze
H25b,6 wir den gotes wîngarten
H25b,7 üeben . Adam wart geschaffen
H25b,8 daz er wære üebære des
H25b,9 paradisi . dô er dô verbrach

- H25b,10 daz gotes gebot . dô wart
H25b,11 er dannen gestôzen in daz
H25b,12 ellentuom disere wênicheite .
H25b,13 alsô biren wir gesetzet
H25b,14 daz wir sîn üebære
H25b,15 dere gotes . ê . verruochelen
H25b,16 wir die . sô werden wir
H25b,17 verstôzen vone deme
H25b,18 gotes rîche . alsô die juden .
H25b,19 swer die sünde wûrket .
H25b,20 der zeweibet den gotes
H25b,21 wîngarte . der dâr abe
H25b,22 wûrket daz gotes reht .
H25b,23 der üebet inen wole .
H25b,24 wir ne schulen nicht üeben
- H26a,1 die irdischen ackere . durch
H26a,2 den werltlichen rîchtuom .
H26a,3 sunder durch den rîchtuom
H26a,4 des êwigen lônnes . die . vûnv .
H26a,5 wîle in den dâr der hûshêrre
H26a,6 ladete die wercliute
H26a,7 in sînen wîngarten .
H26a,8 die bezeichnenent die . vûnv . werlte .
H26a,9 die dâr vore Kristes gebûrte
H26a,10 wâren . abe die wercliute
H26a,11 bezeichnenent die die
H26a,12 dâr der almechtige got
H26a,13 in den vûnv werlten ladete
H26a,14 ze deme êwigen lîbe .
H26a,15 daz was in dere êresten
H26a,16 Adam unde sîn geslehte .
H26a,17 in dere anderen Noê . unde
H26a,18 sîn geslehte . in dere
H26a,19 dritten Abraham . unde sîn
H26a,20 geslehte . in dere vierden
H26a,21 Moyses . unde sîn geslehte .
H26a,22 an deme ende dere vûnften
H26a,23 werlte dô gerwete sanctus
H26a,24 Johannes baptista den wec deme
- H26b,1 gotes sune . durch die
H26b,2 toufe . unde durch die
H26b,3 riuwe . in dere sehsten
H26b,4 werlte in dere wir
H26b,5 nû biren . dô kom selbe
H26b,6 unser hêrre der filius dei
H26b,7 unde bekêrte mit sînere

H26b,8 êwangêlischen predige
H26b,9 unde mit sînen zeichnen . die heidenen
H26b,10 vone den dâr erwuohs
H26b,11 diu heilige kristenheit .
H26b,12 diu dâr stêt unze an
H26b,13 den ende dere werlte .
H26b,14 vore sînere gebûrte sô
H26b,15 sante er die patriarchas
H26b,16 unde die prophetas . swie
H26b,17 wole die geworhten
H26b,18 nâch sînere hulde . sô ne
H26b,19 viengen si doch . sô nicht
H26b,20 des lônnes . wande si
H26b,21 alle ze helle vuoren . abe
H26b,22 nû ze gûnste sît sînere
H26b,23 gebûrte . dô sante er die
H26b,24 boten . swie die ze jungeste

H27a,1 kômen . sô entviengen
H27a,2 si doch vollez lôn . wande
H27a,3 in daz himelrîche offen
H27a,4 stuont . sô si allerêreste gote
H27a,5 volgeten . sô iz ouch noch
H27a,6 uns allen tuot . swenne
H27a,7 wir unsich durchnehtlîchen
H27a,8 bekêren . die . vûnv .
H27a,9 wîle die dâ vore bezeichnenent
H27a,10 die . vûnv . werlte .
H27a,11 die magen ouch wole
H27a,12 gegebenmâzet werden
H27a,13 ze deme mennischînen
H27a,14 altere . diu frûee
H27a,15 diu bezeichnenet die kindische .
H27a,16 der mitte morgen
H27a,17 die jugent . der mitte
H27a,18 tac die tugent . daz
H27a,19 ist diu metelschaft des
H27a,20 mennischînen alteres .
H27a,21 in deme er allersterkest
H27a,22 ist . alsô diu sunne
H27a,23 ze mitteme tage allerheizest
H27a,24 ist . sô si kumet

H27b,1 in die metelschaft des himeles .
H27b,2 sô bezeichnenet diu nône daz
H27b,3 alter . der âbent daz bibente
H27b,4 alter . der in dere kindische
H27b,5 nicht bedenken ne welle

H27b,6 sîne heile . der bedenke
H27b,7 sie doch in dere jugende .
H27b,8 oder in dere tugende .
H27b,9 oder in deme altere . oder
H27b,10 doch ane deme ende . in swelicheme
H27b,11 dere altere . er sich
H27b,12 durnehtlîchen bekêret .
H27b,13 sô sî gewis vone gote ze entvâhenne
H27b,14 daz selbe lôn daz
H27b,15 ouch der entvâhet der vone
H27b,16 sînere kindische in gote
H27b,17 arbeitet unze an sînen ende .
H27b,18 dâ ane deme âbende . dô sach
H27b,19 der hûshêrre dei liute dâ
H27b,20 müezic stên . dô vrâgete er
H27b,21 si umbe waz si allen tac
H27b,22 dâ müezic stuonden . dô
H27b,23 antwurten si daz si niemann
H27b,24 rihte ze deme werke . dô

H28a,1 hiez er si gên in sînen wîngarten
H28a,2 umbe lôn . weliche
H28a,3 stênt müezic . niuwane
H28a,4 die dâr niht durnehtlîchen
H28a,5 ne wûrkent alle die gotes
H28a,6 . ê . die huorære . die roubære .
H28a,7 die trinkære . die
H28a,8 mansleggen . die lügenære .
H28a,9 die diube . die sint beheftet
H28a,10 mit des tiuveles werke .
H28a,11 vone danne ne werdent
H28a,12 si niht genennet müezige .
H28a,13 sunder tôte . die dâr
H28a,14 abe vlîziclîchen wûrkent
H28a,15 die gotes . ê . unde alliu guotiu
H28a,16 werc . die sint komen
H28a,17 in den wîngarten dere
H28a,18 heiligen kristenheite .
H28a,19 unde wûrkent samet
H28a,20 ire . der hûshêrre gap
H28a,21 in allen gelîchez lôn unde
H28a,22 gap iz doch ze êreste den . die

H28b,23 dâr ze jungeste kômen . daz
H28b,1 bemurmeleten die êresten .
H28b,2 die allen den tac arbeiten .
H28b,3 daz er in niht ze êreste
H28b,4 ne gap . unde in ouch

- H28b,5 nicht mêre ne gap . daz
H28b,6 wirdet wole vernomen
H28b,7 vone den rehten . unde
H28b,8 vone den guoten . die
H28b,9 vore Kristes gebürte allen
H28b,10 ire lîp arbeiten nâch deme
H28b,11 himelrîche . unde si doch
H28b,12 dare nicht ne kômen .
H28b,13 . êr . der filius dei her in
H28b,14 werlt kom . unde in
H28b,15 iz entlouch mit sînere
H28b,16 martyrae . die pfenninge
H28b,17 bezeichnenent daz himelrîche .
H28b,18 die dâr alle wâren
H28b,19 eines werdes . alsô daz
H28b,20 himelrîche ist . den er
H28b,21 daz gibet . die ne dürfen
H28b,22 nicht murmelen . wande
H28b,23 dâ necheiner ist hêrere
- H29a,1 noch smâhere deme andereme .
H29a,2 manige sint
H29a,3 dare geladet durch die geloube .
H29a,4 unmanige koment
H29a,5 abe dare . vone diu
H29a,6 wande si nicht ne wûrkent
H29a,7 daz si geloubent .
H29a,8 alsô diu heilige schrift quît
H29a,9 “diu geloube ist tôt âne
H29a,10 dei werc .”
H29a,11 unser hêrre der almehtige
H29a,12 got der sprichet
H29a,13 in deseme evangelio . swenne
H29a,14 der ackerman sæt
H29a,15 sînen sâmen . sô vellet sumelîchez
H29a,16 bî deme wege .
H29a,17 unde wirdet vertreten .
H29a,18 oder iz ezzent die voge .
H29a,19 sumelîchez vellet ûf den
H29a,20 stein . unde erdorret sâr .
H29a,21 wande iz dere viuhte
H29a,22 nicht ne habet . sumelîchez
H29a,23 vellet under die
- H29b,1 dorne . daz bekümet ouch .
H29b,2 unde bedrückent iz die dorne
H29b,3 daz iz nicht ne mac vûre
H29b,4 bringen daz wuocher .

- H29b,5 sumelîchez vellet ane die guoten
H29b,6 erde . unde vüre bringet
H29b,7 zehenzicvaltigez wuocher .
H29b,8 der ackerman der bezeichnenet
H29b,9 unseren hêrren den
H29b,10 heiligen Krist . der dâr tagelîchen
H29b,11 in dere heiligen
H29b,12 kristenheite . durch die munde
H29b,13 dere lârære sæet in dei
H29b,14 herze sînere holden die
H29b,15 geistlîchen lêre . diu misselîche
H29b,16 dere guoten . unde
H29b,17 dere übelen erde . diu bezeichnenet
H29b,18 dei misselîchen muot
H29b,19 dere mennischene . den
H29b,20 dâr emzige geprediget werdent
H29b,21 die gotes wort .
H29b,22 der sâme bezeichnenet daz
H29b,23 gotes wort . der acker
- H32a,1 [diu] dornige erde bezeichnenet die . die
H32a,2 dâr minnent die werltlîchen
H32a,3 schetze . vone den si geirret
H32a,4 werdent dere guoten
H32a,5 werken . diu guote erde
H32a,6 diu dâr vone deme sâmen
H32a,7 vüre bringet zehenzicvaltigez
H32a,8 wuocher . diu bezeichnenet
H32a,9 die . die got vûrhtent
H32a,10 unde minnent . unde dâr
H32a,11 ane vollewonent . sô daz
H32a,12 si alle wîle williclîchen
H32a,13 wûrkent sîniu werc .
H32a,14 daz sint sâr die gehîweten . die
H32a,15 dâr lebent kiuschlîchen .
H32a,16 rehte unde einvaltîchen .
H32a,17 unde andere mit ire guoten
H32a,18 siten lêrent unde leitent
H32a,19 ze deme êwigen
H32a,20 lîbe . die bringent drîzicvaltigez
H32a,21 wuocher . unde
H32a,22 entvâhent ouch drîzicvaltigez
H32a,23 lôn . daz andere
H32a,24 daz sint die witewen .
- H32b,1 die sich mit gotes
H32b,2 helfe entziehent dere
H32b,3 werltlîchen wünne .

H32b,4 in der si vore des lebeten
H32b,5 zartlîchen . die bringent
H32b,6 sehziçvaltigez wuocher .
H32b,7 unde entvâhent ouch
H32b,8 sehziçvaltigez lôn . daz
H32b,9 dritte sint die gotes erweleten
H32b,10 megede . die
H32b,11 ime ire kiusche behaltent .
H32b,12 beidiu in deme
H32b,13 lîchnamen unde in deme
H32b,14 muote . unde ime vlîziçlîchen
H32b,15 dient alle
H32b,16 wîle . die bringent zehenziçvaltigez
H32b,17 wuocher .
H32b,18 unde entvâhent ouch
H32b,19 zehenziçvaltigez lôn .
H32b,20 diu bona erde diu vûre bringet
H32b,21 ire wuocher durch die
H32b,22 gedult . daz schulen wir
H32b,23 sô verstên . daz unsere
H32b,24 werc nicht guot ne sint .

H33a,1 obe wir si gote nicht
H33a,2 ze lobe ne bezelen unde
H33a,3 obe wir nicht gedultlîchen
H33a,4 ne vertragen die
H33a,5 urdrieze unseren nâhesten .
H33a,6 wir schulen
H33a,7 daz bedenken . daz
H33a,8 der wîn . unde daz ôle
H33a,9 niemer lûter . noch
H33a,10 guot ne werdent .
H33a,11 . êr . dei bere getreten unde
H33a,12 gepresset werdent .
H33a,13 noch daz korn niemer
H33a,14 ne kumet in daz kornhûs .
H33a,15 . êr . iz gedroschen
H33a,16 wirdet . nicht mêre
H33a,17 ne mac unser necheiner
H33a,18 komen in daz himelrîche .
H33a,19 wir ne werden
H33a,20 geliuteret durch die villâte
H33a,21 des werltlîchen
H33a,22 trûebesales .
H33a,23 daz evangelium zelet uns [dô]
H33a,24 unsere hêrre der filius dei vuor

H33b,1 ze dere martere . dô kom er

H33b,3 ze dere bürge Jericho . dâ
H33b,4 saz ein blinde bî deme wege .
H33b,5 unde bat genâdene .
H33b,6 den entlûhte er ze dere anesihte
H33b,7 dere sînere jungerene . ze diu
H33b,8 daz er siu gevestenete in
H33b,9 dere heiligen geloube .
H33b,10 Jericho wirdet geantvristet
H33b,11 mænîn . diu bezeichnenet die
H33b,12 zegengede unserere toetlîche .
H33b,13 sô bezeichnenet abe
H33b,14 der blinde daz mennischlîche
H33b,15 geslehte . daz dâr
H33b,16 blindez verstôzen wart
H33b,17 vone den mandungen
H33b,18 des paradisi in ditze ellenttuom .
H33b,19 in deme iz was
H33b,20 unwizzende . unze an
H33b,21 daz . daz iz entlûhte der
H33b,22 filius dei mit deme gewalte
H33b,23 sînere goteheite .
H33b,24 sô [dazz] [izz] [dô] [wider] kunde
H33b,25 [gedenken] [ze] den êwigen
H33b,24 –[...]